

ASPLAN VIAK AS
Postboks 24
1301 SANDVIKADato: 08.06.2018
Vår ref.: 2018/9625-8
Saksbehandlar: sigwols
Dykkar ref.:

Att. Kjersti Møllerup Subba

Oversending av kostnadsoverslag for godkjenning - Detaljregulering, utviding av Meland gravplass, Meland kommune

Me viser til Dykkar brev datert 19.03.2018 med varsel om oppstart av arbeid med ovanfor nemnde plan. Me visar også til Hordland fylkeskommune sitt fråsegn til saka datert 11.05.2018, der det mellom anna vart varsla ei arkeologisk registrering for å oppfylle undersøkingsplikta, jf. § 9 i kulturminnelova.

Føremålet med planarbeidet er å leggja til rette for vidare utviding av gravplassen ved Meland kyrkje, samt tilrettelegging av ny veg og parkeringsplass. I tillegg ynskjer kommunen å leggje til rette for at Bjørnestadvegen blir lagt om.

Som regional sektorstyresmakt innan kulturminnevern er det Fylkeskonservatoren sitt ansvar å gjennomføre ei arkeologisk registrering for å oppfylle undersøkingsplikta, jf. § 9 i kulturminnelova. Dette er ein del av den lovheimla prosessen for å best mogleg opplyse saka, og for å sjå at reguleringsplanen ikkje er i konflikt med kjende eller ukjende automatisk freda kulturminne, jf. § 3 i kulturminnelova.

Feltmetode

Området er vurdert til å ha potensial for funn av ukjende automatisk freda kulturminne frå bronse- til mellomalder. Hovudfokus vil vere å søkje etter spor i dyrka mark innanfor planområdet. Metoden som nyttas vil i all hovudsak vere maskinell flateavdekking der ein grev sjakter med gravemaskin. Ein bruker flatt skjer for å grave bort dei øvste jordlaga ned mot original undergrunn. Ein vil då vere i stand til å kunne påvise eventuelle aktivitets- og busetnadsspor i form av bygningsrestar, kulturlag, åkerlag, stolpehol, eldstadar, kokegropar, flatmarksgravar, nedpløgde gravhaugar osv. I tillegg til bruk av maskin vil arealet verte overflateregistrert for å påvise eventuelle strukturar synlege på overflata. Dersom det blir påvist strukturar, lokalitetar osv. som inneheld organisk materiale vil det verte teken prøvar for mellom anna C-14-datering. Det er og satt av midlar til pollenbotaniske analyser dersom ein påviser fossile dyrkingshorisontar eller førhistorisk busetnad, nær myr.

Alle sjaktene vil verte fylt att når feltarbeidet er ferdig. Eventuelle følgjer etter registreringa som til dømes arrondering, tilsåing med gras, veiter som må opparbeidast, gjerder som må flyttast osv. dekkjast ikkje av innanfor budsjettet til ei arkeologisk registrering., men er ei sak mellom tiltakshavar og grunneigar.

Kostnadsoverslag

Kostnadane for den arkeologsike registreringa er kalkulert til å verte 331 277 kr. (sjå vedlagt kostnadsoverslag). Til grunn for utarbeidinga av overslaget er Riksantikvaren sine retningslinje for gjennomføring av undersøkingsplikta og budsjettering av arkeologsike registreringar i medhald av kulturminnelova § 9, jf. § 10 nytta. Denne vart vedtatt 21. august 2015 og oppdatert 14.11.2016.

Kostnadsoverslaget inkluderer arbeidstid til for-, felt- og etterarbeid, samt leige av bil, reiseutgifter, naudsynt utstyr, C-14-dateringar, makrofossilanalysar, gravemaskin, transport og flytting av gravemaskin.

Det er satt av 7,5 timar til forberedande arbeid for prosjektleiar/feltleiar. For sjølve feltarbeidet er det estimert 150 timeverk fordelt på to arkeologar i to veker, medan etterarbeid som omfattar mellom anna handsaming av feltdokumentasjon, analysar og rapportskriving er satt til 75 timar for ein arkeolog i to veker.

I felt vil det vere naudsynt med kontinuerlig bruk av ein 15-20 tonns gravemaskin á kr 1200 pr. time. Prisane for gravemaskin er estimert og kan fråvike overslaget. For vidare handtering av evt. funn, prøver og dokumentasjonsmateriale hjå Universitetsmuseet i Bergen har Riksantikvaren bestemt at det skal setjast av opptil 10% av lønnskostnadar inklusive sosiale utgifter dersom det vert registrert automatisk freda kulturminne. I dette kostnadsoverslaget er satsen satt til 5%.

Me gjer merksam på at dersom det skulle inntreffe vesentlege uforutsette tilhøve, som til dømes meir funn enn estimert, kan det bli naudsynt å utarbeide eit revidert budsjett. Me vil i så fall varsle tiltakshavar om dette så snart som råd.

Jf. kulturminnelova §§ 9 og 10 må utgiftene til arkeologisk registrering, som har som mål å oppfylle undersøkingsplikta, dekkast av tiltakshavar. Me gjer for ordens skuld merksam på at tiltakshavar berre vert fakturert for medgått tid og faktiske kostnader. Me ber om skriftleg godkjenning av vedlagt kostnadsoverslag med opplysingar om organisasjonsnummer og signatur av ansvarleg betalar, slik at me kan sette prosjektet inn i vår feltkalender. Me gjer merksam på at undersøkingsplikta, jf. § 9 i kulturminnelova må verte oppfylt før planen kan godkjennast av kommunen.

David J. Aasen Sandved
kst. fylkeskonservator

Sigrun Wølstad
spesialrådgjevar

Brevet er godkjent elektronisk og har derfor inga underskrift.

Vedlegg

1 Kostnadsoverslag